

P. VERGILI MARONIS

vitalis carpis, Tyriam qui adveneris urbem.  
 perge modo atque hinc te reginae ad limina perfer.  
 namque tibi reduces socios classemque relatam 390  
 nuntio et in tutum versis Aquilonibus actam,  
 ni frustra augurium vani docuere parentes.  
 aspice bis senos laetantis agmine cycnos,  
 aetheria quos lapsa plaga Iovis ales aperto  
 turbabat caelo; nunc terras ordine longo 395  
 aut capere aut captas iam despectare videntur:  
 ut reduces illi ludunt stridentibus alis  
 et coetu cinxere polum cantusque dedere,  
 haud aliter puppesque tuae pubesque tuorum  
 aut portum tenet aut pleno subit ostia velo. 400  
 perge modo et, qua te ducit via, derige gressum.'

Dixit et avertens rosea cervice refulsit,  
 ambrosiaeque comae divinum vertice odorem  
 spiravere; pedes vestis defluxit ad imos;  
 et vera incessu patuit dea. ille ubi matrem 405  
 agnovit tali fugientem est voce secutus:  
 'quid natum totiens, crudelis tu quoque, falsis  
 ludis imaginibus? cur dextrae iungere dextram  
 non datur ac veras audire et reddere voces?'  
 talibus incusat gressumque ad moenia tendit. 410  
 at Venus obscuro gradientis aëre saepsit,  
 et multo nebulae circum dea fudit amictu,  
 cernere ne quis eos neu quis contingere posset  
 molirive moram aut veniendi poscere causas.  
 ipsa Paphum sublimis abit sedesque revisit 415  
 laeta suas, ubi templum illi, centumque Sabaeo  
 ture calent arae sertisque recentibus halant.

388-417 *GMPR*      389 *damnant Rau Kvičala Ribbeck*      396 aut  
 captas *GMR*  $\gamma^2 bc^3 \pi$ : aut captus *P*<sup>1</sup>: aut captos *P*<sup>2</sup>  $\gamma^1$ : acceptas *c*<sup>1</sup>  
 respectare *P*, *primam litteram in rasura in margine* despectare *exhi-*  
*bet*  $\gamma$       401 dirige *MR*<sup>2</sup> *bc*  $\pi$       412 multum *Gb*<sup>1</sup> *Isidorus*      amictum  
*idem*      413 neu] ne *P*<sup>1</sup>      possit *GR*  $\gamma bc^1 \pi$